

李伟锋

沙尘暴

黄天浩浩蔽尘沙,半幻飞龙半幻蛇。
昨夜魔拳摧幼树,今宵巨口噬娇花。
入门户户关窗扇,行道人人遮面纱。
历劫应知环保重,齐倡绿化护吾家!

方 婷

乡 梦

河西卅载变河东,乡梦悠悠苦系衷。
良弼桥头鸿影散,正阳巷口竹林空。
飞来故垒皆新燕,踏遍长街觅旧踪。
千载芳名六尺巷,官廉民让见高风。

赵木兰

初秋登塔山公园感怀二首

一叶横秋落石阶,古樟树下久徘徊。
青春憧憬已成梦,旧地重来怅入怀。

古塔亭台画院新,花开次第四时春。
只今惟有青峰月,曾照当年求学人。

江信高

忆父亲

樵声震得彩云飞,手托朝阳沐翠微。
银斧轻挥惊震豹,肩挑日月揽山归。

杨 威

汉宫春·庆祝亚运会在广州召开

圣火传来,看红旗招展,万众腾欢。

五羊衔谷,越秀丽日中天。祥云罩地,喜珠江、溢彩流丹。开盛会、秋风萧瑟,木棉花更斑斓。欣有五环奇杰,又羊城角逐,器宇昂轩。和谐亚洲共铸,美梦今圆。龙骧虎跃,乐洋洋、谁与争先。花十六、香飘四海,国歌迭奏空前。

吴新明

忆江南

羊城好,山水舞欢歌。花彩辉光开盛会,高朋竞技咏平和。亚运喜心窝。

孙临清

石河生态工程

渝水悠悠起壮猷,柳堤芳草映清流。
主人诚作他年约,来倚龙亭看白鸥。

鲁 言

长安诗草

2009年5月,全国第23届中华诗词研讨会在西安丈八沟宾馆举行。余为甘肃代表出席盛会,日有所吟,所以纪实也。

礼遇邀居丈八沟,名园禁路足清幽。
玉兰高艳花千树,宝镜空灵水一流。
话雨尽开徐孺榻,识荆得入李膺舟。
汉唐天子今何处,四海诗人在上头。

陈惠群

中医院杯·我和祖国传统中医药

百草君臣老世家,洞庭长济渡人槎。
回天独擅将军力,健魄同夸国老茶。

